

Drámahárjehusat

Oasit Heli Huovinen oahppočájánasbarggus

Rievdadin oktiibuot 9 drámahárjehusa Piäju¹ dárbbuid vuodul. Álgoálgošaš hárjehusat ledje mus vállooasis muittus, muhto muhtimiid gávdnen girjjis *Iloa ja leikkiä* (Karvonen, P. 2009).

Čuovvovažžan buvttán ovdán hárjehusaid, maid plánejit Piäju várás. Hárjehusaid nama manjá lea ruođuid siste dat giellaoahppaášši, dahje eará giellaášši, mii duhkoraddama bokte hárjehallojuvvo.

Joo-stoagus (máŋggaidlohku)

Jođiheaddji álggaha stohkosa hutkamiin omd. "Mii leat bohccot", masa buohkat västidit "Joo!". Buohkat leat bohccot dasságo gii nu gekse čuovvovaš ášši, man buohkat čajáhallet. Álot go gii nu evttoha, de earát čurvot "Joo!".

Máinnasvealggástallan (sámi máinnaselliugin ja ipmiliiguin)

Njeallje sierra máinnasealli: Stállu, Bieggaołmmái, Čáhkalakkis ja Gufihtar Jođiheaddji jearrá, dovdetgo mánát dáid máinnaselliid ja dihtetgo makkárat dat leat. Dasto joavku hutká ovttas, ahte mo dat lihkadir. Buohkat galget lihkadir seammá láhkai. Dat guhte galgá earáid váldit gitta oažžu mearridit máinnasealli, ja dallego mánná beassá gittaváldin, de son čurve ovdamearkka dihte "Stállu". Dalle buohkat lihkadir dego stállu. Stohkosii sáhttá ain lasihit odđa figuvrraid. Stohkosa ulbmil ii leat viehkat gilvvu, muhto stohkosa bokte oahpásmuvvat sámi máinnaselliide. (Máinnasvealggástallama namma lea suomagillii olionhippa, muhto sámegillii dasa lea váttis gávdnat västideaddji sáni. Dasa lassin ii leat vuogas geavahit olio dahje figuvrra sáni ovdamearkka dihte Bieggaołbmás, guhte lea sámiid dološ ipmil.)

Láibunstoagus (akkusatiiva, genetiiva, duála, gohčunhápmi)

Jođiheaddji lea dat gii láibu ja okta dahje guokte máná veahkehit su. Loahpat leat bulládáigi. Stoagus álgá go láibu ja su veahkit bohtet iđđes bargui, gávastallet ja bidjet čuovggaid ala. Eará mánát čužžot dán muttus vel ráidun (sii leat mahkáš láibunávdnasat ja ildus vuordimin). Láibut dahkagohtet dáiggi ja bidjet ain ovta ávdnasa mahkáš stuorra lihttái (govahallojuvvoon lihttái) ja sehkkejtit dáiggi giedžaiguin. Jođiheaddji jearahallá mánain, ahte maid dáigái galgá bidjet, ja son råvve seammás "Njorres mielkki", "geigemät sohkkara", "lasihehpet vel kánel" jna. Go dáigi lea válmmaš, de das čuhppojuvvojtit bihtát ja juohke mánás ráhkaduvvo iežas lágan bullá. Láibut hábmejtit, činjahit ja vuidet bulláid, ja loahpas gesset julggiin stuorra uvnna sisa. Válmmaš bullát stellejuvvojtit čábbát oidnosii. Dán stohkosa jođiheaddji sáhttá varieret mielas mielde. Dehálamos lea goittotge doallat "láiggiid iežas hálldus", amas stohkosis šatta moivi.

Joavkkuid ráhkadeapmi (nummirat, máŋggaidlohku, rumašlahtut, gohčunhápmi)

Jođiheaddji bidjá musihka čuodjat ja mánát ožžot dánsut ja lihkadir friija musihka mielde. Go musihkka heaitá čuodjamis, jođiheaddji råvve ráhkadir sierralágan joavkkuid, ovdamearkka dihte: Biddjet golbma oaivvi/vihtta giedža/ovcci bealaggi jna oktii.

Dahje: Oza skihpára, geas lea seamma ivdnásaš báidi go dus/ seamma lágan suohkut / seamma guhkes vuovttat jna go dus.

Dahje elliiguin: Mánát besset leat eallit: čieža guoli/golbma bussá/guokte bohcco jna.

¹ Anarâškielâ kielâpiervâl

Čalmmehis dálon (eallit, máŋggaidlohkku)

Válljejuvvo okta, guhte lea dálon. Su čalmmit čadnojuvvojít čihkosii, ja son čuožžu guovtti stuolu gaskkas. Stuolut leat mahkáš verrát. Juohke mánna mearrida mii elliid son lea, muhto ii muijal dan jitnosit. Jodíheaddji bealljái sáhttá gal savkalit dan. Dálon čuorvugoahktá elliid omd. “Buot bussát deike”, dalle bussát geahčalit njáhkat verráhis sisa nu, ahte dálot ii fuomáš dan ja fáhte su gitta. Jus dálon guoská, de dalle báhcá gitta ja ferte máhccat ruovttoluotta. Stoagus joatkašuvvá nu guhká go buot eallit leat beassan verráha čađa, dahje go ovttas mearriduvvo, ahte stoagus nohká.

Njuikkodanstillgovat (adjektiivvat, máŋggaidlohkku)

Jodíheaddji bidjá musihka čuodjat, ja mánát ožžot dánsut ja lihkadir friija. Go musihkka heitá čuodjamis, galgá bisánit ovttä sadjái. Jodíheaddji vállje ovttä mánain, guhte oažžu leat “áššedovdi”, ja jearrá mánás omd. maid son oaidná? Jodíheaddji sáhttá jeerrat maid lasi gažaldagaid, ja varieret stohkos ovdamearkka dihte. jus mii livčiimet elliidgárddis, dáiddačájáhusas, bigálusas, jna.

Juos don leat, de mun lean (assosiašuvnnat)

Vuosttas álggaha ja manná “lávddi ala” ja dadjá ovdamearkka dihte “Mun lean muorra”. Čuovvovaš manná ja dadjá “Jos don leat muorra, de mun lean _____”(gekse ieš). Ná galgá joatkit dassá go buohkat leat mielde čájálmasas. Stohkosa sáhttá maid joatkit ovdamearkka dihte nu, ahte juohkehaš ráhkada jienaid, dahje govva sáhttá lihkadišgoahkt/eallit. Stohkosa sáhttá ollašuhttit maid nu, ahte vuosttasin boahtán mánna máhccá gehčiid jovkui ja govva molsašuvvá oppa áigge.

Pantomimaárvádusstoagus (vearbbat)

Jodíheaddji čájeha ovttä mánna goartta, mas lohká vearba ja das lea maid govva doaimmas. Mánna čájähallá goartta doaimma, ja earát geahčalit árvidit mii vearbbaid lea gažaldagas. Go gii nu lea árvidan vearbba, de goarta čájehuvvo velá buohkaide.

Alfabehtat gorudiin (alfabehtat oahpisin)

Jodíheaddji bidjá musihka čuodjat ja mánát sáhttet lihkadir friija. Go musihkka heitá čuodjamis, jodíheaddji čájeha man nu bustávva ja dadjá dan jitnosit. Mánát geahčalit dan manjá ráhkadir iežaset gorudiin bustávva. Dán sáhttá stoahkat maid bárralágaid dahje joavkun.

Heli Huovinen

Teáhterovdanbuktimabagadalli

Davvisámegillii heivehan: Maiju Saijets